



COMUNE DI GOLFO ARANCI



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

Progèttu:

**“FAIDDHÈMU CUN TUTTU LU MUNDU  
FAEDDAMUS CUN TOTU SU MUNDU”**

Finanziàtu da la Legghji 482 di lu 1999, altìculi 9 e 15 e da la Legghji Regionali 22 di lu 2018.  
Annualità 2022

---

# CUMUNI DI FÌGARI

## Provincia di Sassari

### VERBALI DI DILIBBARAZIÒNI DI LA GHJUNTA CUMUNALI

Innummaru **237** Di la dì **20 di Natali di lu 2022**

**Oggettu: MANUTENZIONI STRAOLDINARIA DI LA VIABILITÀ ILLI CUMUNI DI L'UNIONI DI LI CUMUNI RIVIERA DI GADDHURA: INTELVÈNTI DI ASFALTU DI LI CARRÉRI APPRÓU PROGETTU ESECUTIVU**

L'annu **duemiliaevintidui**, la dì **vinti** di lu mesi di **Natali** a **'11 e mezu di la mani**,  
in chista Sedi Municipali, s'è aunìta la Ghjunta Cumunali.

Di li passoni chi facini palti di la Ghjunta Cumunali di chistu Cumuni:

MULAS MARIU	SÌNDACU	P
LANGELLA GHJASEPPA	ASSESSORI	A
CORSO VALERIA	ASSESSORI	P
ASTARA PRONTU GHJUANNI	ASSESSORI	A
ROMANI LAÌCU	ASSESSORI	P (cu' la video conferenza)

risultani **3** passoni presenti e **2** chi no vi sò.

Piddha la presidenzia lu Signor **MARIU MULAS** com'è **SINDACU**, assistutu da lu **Segretariu Fabiu Fais**

Lu Presidenti, acciltatu chi v'è lu 'nnummaru legali, dichjara abbalta la seduta e dummanda a la Ghjunta Cumunali di avvigliuà e dizzidì innant'a a la pruppusta di dilibbarazioni indicata ill'oggettu.

### **LA GHJUNTA CUMUNALI**

- Vista la pruppusta allegata di dilibbarazioni chi è palti integranti e sustanziali di chistu pruvidimentu;  
Cun votti unànimi

### **DILIBBARIGGHJA**

- In cunfulmitài.
- Si dà attu chi la presenti dilibbarazioni è stata dichjarata fattibili subbitu a li sensi di l'alticculu 134, comma 4 di lu Decrettu Legislativu n. 267 di lu 2000.

### **POSTU A INNANZI:**

- chi lu Cumuni di Figari faci palti di l'Unioni di li Cumuni Riviera di Gaddhura;
- chi cu' la Dilibbarazioni di lu Sindacu n. 14 di la dì 14 di Santigàini di lu 2022, chi à com'oggettu lu cambiu a li conti di previsionu 2022-2024, sò stati dati 360.000,00€ pa' un'azioni di manutenzioni straoldinaria di la viabilitài di dividì in palti gali tra li 4 Cumuni chi facini palti di l'Unioni;
- chi cu' la Ditolminazioni di lu 'ngarrigatu di l'Area Tecnica di l'Unioni di li Cumuni Riviera di Gaddhura n. 9 di la dì 24 di Sant'Andrìa di lu 2022 è statu postu come Ingarrigatu Unicu di lu pruvidimentu pa' l'azioni scritti ill'oggettu, lu Geom. Franciscu Chighini, istruttori tecnicu di l'Unioni;
- chi cu' la Ditolminazioni di lu Ingarrigatu di l'Area Tecnica di l'Unioni di li Cumuni Riviera di Gaddhura n. 9 di la dì 24 di Sant'Andrìa di lu 2022 è statu posta come progettista l'Ing. Sgìmona Lepori, Ingarrigata di l'Area Tecnica pa' l'Unioni;

### **ACCILTATU:**

- chi l'azioni prevvisti sò palt'e più pa' l'asfaltu di li carréri;
- chi lu Cumuni di Figari, illu progèttu di Manutenzioni straoldinaria di la viabilitài illi cumuni di l'Unioni di li Cumuni Riviera di Gaddhura, à ingarrigatu l'Ufficiu Tecnicu di l'Unioni di punì l'asfaltu in chisti carréri in mezu a lu propriu paesi:
  - palti di la Carréra Pascoli;
  - palti di la Carréra Carducci;
  - Carréra Marconi di fronti a l'ex Liquigas;

- Suttupassagghju illa cussogghja di Rutagghja;
  - palti di la Carréra di li Licci;
  - palti di la Carréra Bouganville;
  - palti di la cussogghja di Sos Aranzos;
  - palti di la cussogghja di Cala Sassari.
- chi lu RUP, à mandatu, cu' nota prot. 11293 di la dì 20 di Natali di lu 2022 li progètti di l'azioni in oggettu, fatti da la progettista Ing. Sgìmona Lepori:
    - A** LISTA ELABORATI
    - B** RELAZIONI TECNICU – ILLUSTRATIVA
    - C1** CUMPUTU METRICU ESTIMATIVU E PALTU DI LI SPESI
    - C2** ASSENTU DI LI PRESGI DI DUGNA COSA
    - C3** AVVILGUAMENTU DI LI PRESGI
    - C4** VALORI MANIALÀ
    - D1** PROGÈTTU PA' LA SIGUREZZA E LU CUULDINAMENTU
    - D2** CALANDARIU DI LI TRABADDHI
    - D3** AVVILGUAMENTU DI LI STROBBI CHI PONI CUMBINÀ
    - D4** ASSENTU PA' NO ESSEVI O GALDASSI DA LI STROBBI CHI PONI CUMBINÀ
    - E** PIANU DI MANUTENZIONI DI L'OPARA E DI LI SÓ' PALTU
    - F** ASSENTU SPECIALI D'APPALTU
    - G** CUNTRATTU
      - 1.00** INQUADRAMENTI TIRRIOTORIALI
      - 2.00** FÌGARI
        - 2.01** PALTICULARI CUSTRUTTIVI – FÌGARI
      - 3.00** LÓIRI POLTU SANTU PAULU E LI PALTICULARI COSTRUTTIVI
      - 4.00** BUDUNI E LI PALTICULARI COSTRUTTIVI
      - 5.00** SANTU DIADÒRU E LI PALTICULARI COSTRUTTIVI

DATU ATTU chi:

- lu progèttu, chi ricei oldini da chista Amministràzioni Cumunali, arà l'azioni illu tirritoriu cumunali di chistu Enti.
- chi lu tantu di la spesa si pensa possa esse di 360.000,00€ e di chisti 290.084,53€ pa' li trabaddhi e 69.915,47€ pa' lu tantu a dispusizioni di l'Amministràzioni e pa' chistu muttù, veni rispittatu cantu si pensa possa esse lu costu diffinutu cun Dilibbarazioni di lu Sindacu n. 14 di la dì 14 di Santigàini di lu 2022, chi à com'oggettu lu cambiù a li conti di previsionì 2022-2024;

VISTU lu Decrettu Legislativu di la dì 18 d'Abbrili di lu 2016, n. 50;

VISTU lu D.P.R. di la dì 5 di Santigàini di lu 2010, n. 207;

Tuttu chistu postu a innanzi

## **PRUPPONI**

DI APPRUÀ, pa' la palti di l'azioni chi sarani fatti illu tirritoriu di lu propriu Cumuni, l'azioni chjamata "Manutenzioni straordinaria di la viabilitài illi cumuni di l'Unioni di li Cumuni Riviera di Gaddhura: Intelvènti di asfaltu" fattu da l'Ing. Sgìmona Lepori, cu' un costu di 360.000,00€ e di chisti 290.084,53€ sò pa' li trabaddhi e 69.915,47€ sò lu tantu a dispusizioni di l'Amministràzioni, chi à li progètti diffinuti a innanzi, cunfolma li legghji in vigóri abàli;

DI DÀ ATTU chi l'opara è finanziata cu' li fundi di li Conti di l'Unioni di li Cumuni Riviera di Gaddhura;

DI DÀ ATTU chi pa' fà chist'opara no selvi lu cambiù di li strumenti di lu paési;

DI DÀ ATTU mattessi chi pa' fà chist'opara no selvi esproprià pa' piddhà li edifizii undi fà l'azioni;

DI AUTORIZZÀ l'Unioni di li Cumuni Riviera di Gaddhura a ingarrigassi di li infrastrutturi stradali di li progètti pa' fà l'azioni com'e da progèttu;

DI MANDÀ chista dilibbaraziòni a l'Unioni di li Cumuni Riviera di Gaddhura pa' agghjunghì chissu ch'è di só' competenza;

DI DICHJARÀ chista dilibbaraziòni eseguibbili subbitu a li sensi di l'alticculu 134, comma 4, di lu Decrettu Legislativu di la dì 18 di Austu di lu 2000, n. 267.

Chistu verbali veni lettu, approvatu e sottuscrittu.

Lu Segretariu  
*Fabiu Fais*

Lu Presidenti  
*MARIU MULAS*

---

Lu sottoscrittu Segretariu Cumunali, visti l'atti d'ufficiu, pa' dugna agghjunta a chista dilibbaraziòni

### **ATTISTIGGHJA CHI –**

È statu inghijttatu a li suprastanti cunsiliari cu' lu N° di Prot. (alticculu 125, di lu Decrettu Legislativu n. 267 di lu 2000)

LU SEGRETARIU CUMUNALI  
*Fabiu Fais*

---

Chista dilibbarazioni è eseguibbili a li sensi di lu Decrettu Legislativu n. 267 di lu 2000 di  
**la dì 20 di Natali di lu 2022** palchì:  
Dichjarata eseguibbili subbitu (alticculu 134, comma 4°)

LU SEGRETARIU CUMUNALI  
*Fabiu Fais*



**FAIDDHÈMU CUN TUTTU LU MUNDU**  
**FAEDDAMUS CUN TOTU SU MUNDU**